

Eldarnir ehf
Holtsgata
101 Reykjavík

Reykjavík, 11. september 2024
UST202408-234/P.V.B.
09.04.00

Efni: leyfi til aksturs utan vega í Nátthaga og kvikmyndaleyfi í Reykjanesfólkvangi

Umhverfisstofnun hefur mótttekið umsókn Eldarnir ehf, dagsett, 27. ágúst 2024 með viðbótargögnum dagsett 6. september 2010 um leyfi til aksturs utan vega í Nátthaga og kvikmyndatöku í Reykjanesfólkvangi.

Reykjanesfólkvangur er friðlýstur sem fólkvangur sbr. [auglýsing nr. 520/1975](#). Jarðrask á svæðinu er óheimilt nema með leyfi Umhverfisstofnunar.

Samkvæmt 1. mgr. 31. gr. laga nr. 60/2013 um náttúruvernd er óheimilt að aka vélknúnum ökutækjum utan vega. Umhverfisstofnun er heimilt, ef nauðsyn krefur, að veita leyfi til þess að aka vélknúnum ökutækjum utan vega vegna kvikmyndagerðar, ef ekki er unnt að vinna viðkomandi störf á annan hátt, sbr. 3. ml. 2. mgr. 31. gr. laga nr. 60/2013, um náttúruvernd.

Lýsing verkefnis:

Í Nátthaga er sótt um leyfi til að keyra nokkrum pallbílum og jeppum frá bílastæði og að hraunjaðri til að flytja búnað. Kort sem sýnir fyrirhugaða leið fylldi með umsókn. Í Reykjanesfólkvangi er óskað eftir að fá að mynda við norðurenda Kleifarvatns og við Grænavatn. Sem leikmynd yrði komið fyrir 2-3 bílum og bát við Kleifarvatn. Kort sem sýnir tókustaði fylgdi með umsókn. Við ströndina við Kleifarvatn yrði jafnfram lagt 2-3 sendibílum, 1-2 aðstöðubílum og 10-15 fólksbílum. Að tókunum kæmu 25-30 manns á tímabilinu 12. - 13. september 2024.

Áhrifamat:

Umhverfisstofnun metur verkefni ekki líklegt til að hafa neikvæða áhrifa á verndargildi Reykjanesfólkvangs og náttúrufar við Grænavatn, Kleifarvatn og leiðina sem yrði keyrð að Nátthaga sé farið að skilyrðum leyfisins. Verkefnið er þó talið geta haft áhrif á upplifun gesta á meðan það fer fram á svæðunum. Mat stofnunarinnar er að hægt verði að draga úr neikvæðum áhrifum verkefnisins sé farið að skilyrðum leyfisins.

Skilyrði:

Umhverfisstofnun veitir Eldarnir ehf fyrir sitt leyti leyfi fyrir aksturs utan vega við Nátthaga og kvikmyndatöku innan Reykjanesfólkvangs sbr. lýsingu hér að ofan 12.-13. september 2024 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- **Tilkynna skal til starfsmanns Umhverfisstofnunar á svæðinu hvenær verkefnið hefst og þegar því lýkur með að minnsta kosti sólarhrings fyrirvara.**
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Koma skal fyrir merkingum á tökustað um að leyfi fyrir verkefninu hafi fengist hjá Umhverfisstofnun.
- Forðast skal óþarfa rask og stærð athafnasvæðis kvikmyndatökuliðsins skal haldið í lágmarki.
- Ef upp koma álitamál um framkvæmd verkefnisins og frágang svæðisins skal hafa samband við Umhverfisstofnun í síma 591-2000.
- Vanda skal frágang eftir að verki lýkur. Vinna skal að endurheimt og landmótun á því yfirborði sem raskast, um leið afmá skal öll ummerki kvikmyndatökunnar.
- Kvikmyndatökuliðið skal sýna öðrum gestum svæðisins tillitssemi og tryggja að tökurnar valdi eins litlu ónæði og hægt er.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.
- Starfsmenn verkefnisins skulu ganga snyrtilega um svæðið og þess gætt að allur úrgangur verði fjarlægður.
- Losun ferðasalerna skal fara fram á viðurkenndum losunarstað utan hins friðlýsta svæðis.
- Til að koma í veg fyrir að lokaafurðin hvetji til utan vega aksturs þá er óheimilt að sýna ökutæki aka utan vegar.
- Einungis skal aka þeim bifreiðum sem þarf til að ferja búnað að tökustað í Nátthaga eftir þeirri leið sem skilgreind var í verklýsingu.
- Dekkjastærð ökutækja sem keyra búnað í Nátthaga skal vera að lágmarki 38 tommur.
- Afmá skal öll hjólför utan vega að verkefni loknu við tökustað norðan Kleifarvatns
- Önnur farartæki en þau sem sótt er um heimild fyrir til að aka utan vega vegna kvikmyndatökunnar er ekki heimilt að aka leiðina sem sótt er um.
- Takmarka skal akstur farartækjana eftir því sem kostur er.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Óheimilt er að aka yfir gróin svæði.
- Þess skal gætt við akstur utan vega að hann fari fram á tímum þar sem hann veldur sem minnstu raski á jarðvegi og gróðri.

Ef leyfishafi veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir leyfishafa að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda og/eða sveitarfélags þarf fyrir verkefninu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Umhverfisstofnun minnir á að skv. 6. gr. laga nr. 60/2013 um náttúruvernd er öllum skylt að ganga vel um náttúru landsins og sýna ýtrustu varúð þannig að henni verði ekki spillt. Við framkvæmdir, starfsemi, rekstur og önnur umsvif sem áhrif hafa á náttúruna skal gera allt sem með sanngirni má ætlast til svo komið verði í veg fyrir náttúruspjöll.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerðar og/eða myndatöku er kr. **83.200.** sbr. 29. gr. b. gjaldskrá Umhverfisstofnunar nr. 1410/2023.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Inga Dóra Hrólfsdóttir
sviðsstjóri

Ragnheiður Björk Sigurðardóttir
sérfræðingur